

04 IULIE

RUGACIUNEA 1

SF. CNEAZ

ANDREI DE LA BOGOLIUBOV

Молитва

О, святыи благоверный великий княже Андрее! Стратотерпче и мучениче! Слуго Божий верный и Богославный, христианине истовый и Богоревнивый, муже любодобродетельный и Богомудрый, воине всечестный и воеводо доброхвальный, монарше Богоизбранный и Боголюбимый, правителю державный и дерзновенный! Русь Святую, на уделы и княжества разобщенную, хотевый во едином царстве собрати и единомдержавно ею правити, да непреборима от враг истиннаго христианства пребудет; за сии деяния во славу и честь Бога Христианского убиенный и кровию своею основание Руси Святой с прочими князи-мученики укрепивший, да во век незыблема пребудет; даровавший Руси многочисудныя иконы Богоматери и Тою паче многих иных за Благочестие и Богопочитание возлюбленный. Сыновей возрастивший, иже ты, отца земнаго своего, житием своим и Отца Небеснаго

кончиною своею прославиша. Обитель
Боголюбивую основавый и мнози храмы
воздвигнувый, в них же доселе молящися мы,
грешнии, просим твоего предстательства и
Небесныя помощи; испроси, святе Андрее, у
Господа Вседержителя милости богатыя
обездоленному царствию русскому и отпущения
многих и тяжких грехов народам христианским,
да дарует Спаситель нам правителя тебе
подобнаго, иже возмог бы возродити
Отечество наше земное и ко Отечеству
Небесному привести нас, идеже ты ныне, княже,
во славе Невечерняго Света предстоя со всеми
святыми, восхвалявши в Троице славимаго Бога
Отца и Сына и Святаго Духа, ныне и присно и
во веки веков. Аминь.